

Redd Barna mánggabealatvuoda, fátmmasteami ja dásseárvvu njuolggadusat

Njuolggadusaid birra

Dát njuolggadusat galget sihkarastit ahte Redd Barna lea fátmmasteaddji ja mánggabealat organisašuvdna gos buohkat sáhttet dovdat iežaset oadjebassan ja gos sáhttá leat ollásit ieš. Redd Barna oaivvilda ahte fátmmasteaddji organisašuvdna lea beaktilis ja ceavzilis organisašuvdna.

Definišuvdna

Redd Barna oaivvilda ahte mánggabealatvuoha leat erohusat mat leat ovtastuvvon searvevuhtan. Dát erohusat sistsidollet mánggabealatvuoda olbmui ja olbmuid gaskkas ja sáhttet earret eará leat čatnon ahká, sohkaheallá, sohkaheallidentitehtii, doaibmadássái, etnalašvuhtii, oskui, eallinoidnui, politihkalaš ja eará oaiviliidda, kultuvrralaš duogážii, gillii, klássii, sodjui ja iešguđetlágan oahppu, vásáhusat, gelbbolašvuoha, beroštumit ja bearašdilálašvuodat.

Viidodat

Dát njuolggadusat gusket buohkaide Redd Barnas – jođiheddjiide, bargiide, gaskaboddosaš bargiide, miellahtuide ja eaktodáhtolaččaide. Dát njuolggadusat leat Redd Barna ehtalaš njuolggadusaide lassin. Mis lea nollatoleránša lobihis vealaheapmái ja cielaheapmái Redd Barnas. Redd Barna čuovvu álelassii mánggabealatvuoda, fátmmasteami ja dásseárvvu ovdáneami organisašuvnnas.

Geatnegasvuodat

1. Fátmmasteaddji kultuvra

Redd Barna dáhttu leat buorre ja fátmmasteaddji bargobáikin sihke dálá ja boahttevaš mielbargiide. Danne lea mis buohkain, beroškeahhtá makkár rolla olbmos lea gos máilmmis olmmoš lea, oktasaš ovddasvástádus ovddidit fátmmasteaddji kultuvrra gos buohkat vásihit ahte sii leat árvvus adnojuvvon ja friddja, ja ahte sáhttá cealkit moaittehahtti áššiid birra almmá ballat mávssaheamis. Redd Barnas galget buot bargit meannuduvvot árvvusatnimiin ja árvvolašvuodain, ja sii galget beassat bargat birrasis gos ii dárbbáš ballat, gos eai leat áitagat, gierdameahtunvuoha ja ovdagáttut. Buot bargit leat geatnegáhtton meannudit nubbi nuppi árvvusatnimiin ja árvvus atnit juohkehaččat vuđolaš vuoigatvuodaid. Redd Barnas lea nollatoleránša buot lágan vealaheapmái.

2. Ovttalágan meannudeapmi ja eahpedidolaš bias

Mii bargat dan ovdii vai mearrádusat váldojuvvojit objektiivvalaš vuoduid vuodul. Dát lea erenoamážit guoskevaš HR-proseassain nu mo rekrutteremis, alidemiin, mielbargiovdáneamis, kompensašuvnnas, heiveheamis, permitteremis ja vejolašvuodain kombineret barggu, bearraša ja sosiála eallima. Redd Barna diehtá dattege ahte buohkain leat unnit eanet implisihtta dahje eahpedidolaš ovdagáttut (bias). Mis lea ulbmilin nannet dihtomielalášvuoda dákkár ovdagáttuin ja hástalit guhtet guoibmámet dáid áššiiguin. Go dát lea guovddázis sihke jođiheaddjimearrádusain ja mo proseassat hábmejuvvojit de mii galgat fuolahit ahte olahat mihtu ahte buohkat meannuduvvojit seamma láchkai.

3. Mánngabealat bargoveahka

Redd Barnas lea mihttun leat organisašuvdna mii geasuha, ovdánahtta, ja nanne mánngabealat bargoveaga. Mii háliidat ovddastit báikegottiid gos mis leat doaimmat, daid kategoriijaid rastá mat leat min definišuvnnas mii mánngabealatvuohta lea, buot dásiin min organisašuvnnas. Mis lea mánngabealatvuohta guovddázis rekrutteren- ja válljenproseassain fuolahan dihte dásseduvvon bargojoavkku, seammás go mii álo galgat virgádit kandidáhtaid geain lea buoremus gelbbolašvuohta. Dat kandidáhtat geain lea buoremus gelbbolašvuohta leat olbmot geain lea rivttes gealbu virgái, rivttes guottut ja láhtten, ja nana ánggirusšán bargat Redd Barna ovddas.

Beasatlašvuohta

Mii leat dahkan dihtomielaláš válljemiid go hábmiimet dán dokumeantta sihkarastin dihte ahte nu olusiin go vejolaš lea beassan dása ja sáhttet geavahit dáid njuolggadusaid:

1. Mii leat geavahan čielga bustávatiippaid, čielga kontrásttaid ja ivnniid.
2. Mii leat bidjan molssaevttolaš teavstta buot illustrašuvnnaide ja figuvraide.
3. Dokumeanta sáhtta geavahuvvot šearbmalohekkiiguin.